

Mahathir, Razaleigh akan sertai pesta

ALOR SETAR, Ahad. — Timbalan Perdana Menteri Dato Seri Dr. Mahathir Mohamad dan Menteri Kewangan Tengku Razaleigh Hamzah akan menghadiri majlis perayaan ulang tahun UMNO ke-32 anjuran Badan Perhubungan UMNO Negeri Kedah, di Stadium Syed Dato Syed Omar, di sini Khamis ini.

Seorang jurucakap UMNO Kedah memberitahu hari ini, Dato Seri Dr. Mahathir dan Tengku Razaleigh akan berkumpul di kediaman Menteri Besar, Dato Seri Syed Ahmad Shahabud-

din bersama-sama dengan lain-lain pemimpin UMNO sebelum ke stadium.

Seramai 32 orang anggota Pemuda UMNO menonggang motosikal akan mengiringi mereka ke stadium.

Dato Seri Dr. Mahathir kemudian akan memeriksa perbarisan kehormat terdiri dari 200 orang anggota Pemuda dan Wanita UMNO.

Lebih 3,000 orang termasuk wakil-wakil dari parti komponen dalam Barisan Nasional akan hadir.